



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Eginhartvs De Vita Caroli Magni, Animadversionibvs Illvstratvs

Bessel, Friedrich  
Reinhard, Johann Friedrich

Helmeftadii, 1667

Cap. XXXI.

**urn:nbn:de:hbz:466:1-10996**

rem & Augustum appellari iussit. Quæ eadem repetit cap. 16. demonstraturus, unctionem & coronationem non esse necessariam ad imperium consequendum. Frustra igitur sunt, qui Caroli regnum non successione & hæreditate, sed electione solâ ad posteros ejus propagatum contendunt. Etenim Regino lib. 11. Chronicor. & Adelmus ann. 806. partitionem regni inter filios commemorantes, testamentum Caroli ab Optimatibus Francorum jurejurando confirmatum asserunt.

Arbitratus hæc continentiam morbum posse depelli) Scitum est illud Hippocratis, ex cujus doctrinâ experimentum hausisse Carolum verisimile est: Inedia atq; abstinentiam multos & magnos curari morbos.

Decessit anno ætatis sue LXXII.) Albert. Stadenfis anno 814. Carolus Imperator dum Aquisgrani hyemaret, febre & pleuresi tactus V. Kal. Februarii horâ tertiâ obiit, anno ætatis 71. regni 46. subactæ Italia 43. subactæ Saxonie ann. 13. Imperii vero ann. 14. Superant versiculi non tam sciti, quàm curiosi, super tempore mortis Caroli, apud Auctorem Chronici Mindensis p. 101. edit. Meibom.

*Inter & athletas, quos mundi protulit ætas,  
Tu Carolum reputes hominum transcendere metas.  
Orbem perstringens res Carolus imperat ingens.  
Post Christum CCC. D. jungas & superadde  
Decem cum quatuor Carolus Rex moriebatur.*

## C A P. XXXI.

1. **C**Orpus more solenni lotum & curatum, & maximo totius populi \* planctu Ecclesiæ illatum atque hu-
2. **C**matum est. † Dubitatum est primò ubi reponi deberet, eo quod ipse vivus de hoc nihil præcepisset,
3. † Tandem omnium animis sedit nusquam eum honestiùs tumulari posse, quàm in ea basilicâ, quam ipse propter amorem Dei & D. N. Jesu Christi, & ob honorem sanctæ & æternæ virginis genitricis, ejus proprio sumptu in eodem vico construxit. † In hac sepultus est eadem qua defunctus die, arcusque super tumulum deauratus cum imagine & titulo extructus; \* cujus hæc forè sunt verba: SUB
4. **HOC CONDITORIO SITUM EST CORPUS**

O 2

CARO-

\* MS. lund  
ctt.\* MS Florâ  
Titulus ille  
hòc modò  
scriptus est

CAROLI MAGNI ATQUE ORTHODOXI  
IMPERATORIS, QUI REGNUM FRANCORVM NO-  
BILITER AMPLIAVIT, ET PER ANNOS XLVII.  
FELICITER \* TENVIT. DECESSIT SEPTVAGE-  
NARIVS ANNO DOMINI DCCCXIII. \* INDI-  
CTIONE VII. V. CALEND. FEBRUARII.

\* MS.  
vexit,  
\* MSS.  
Flor. &  
Reub. In-  
di. V. Kal.  
Febr. Petz  
peram.

ANIMADVERSIONES  
AD CAP. XXXI.

**C**Orpus more solenni lotum & curatum.] Jam pridem funerum ritus omnes Onuphrius Panvinius, Jacobus Gütherius, Johannes Meursius, Franciscus Peruccius, & qui primo loco nominandus erat Johannes Kirchmannus, occuparunt; & in his de ablutione & uncturâ cadaverum, quæ duo, omnibus ferè gentibus in usu fuisse patet. In primitivâ etiam ecclesiâ ritum hunc à Christianis retentum ex Act. ix 37. constare potest. Tertullianus Apologetico cap. 42. *Lavor honestâ horâ, & salubri, quæ mihi & colorem & sanguinem servet. Rigere & pallere post lavacrum mortuus possum.*

*In hac sepultus eadem quâ defunctus die)* In hoc à veteri Romanorum more diceflere Francorum Proceres. Illi enim cadaver lotum unctumque septem diebus domi asservabant, visentibus ad luctum quotidie amicis, si vera sunt, quæ scribit Joh. Rosinus lib. v. *Antiqu. Roman. cap. 39.* Et vix fieri potuisse arbitror, ut eodem die sepultus sit Carolus, si is ornatus funeri adhibitus est, quem Monachus Egolesm. pag. 282. describit: *Corpus ejus, inquit, aromatizatum est, & in sede aureâ sedens positum, in curvaturâ sepulcri, ense aureo accinctus, evangelium aureum tenens in manibus, & genibus, reclinatis humeris in cathedrâ, & capite honestè erecto, ligata aurea catena ad diadema. Et in diademate lignum sanctæ crucis positum est. Et repleverunt sepulcrum ejus aromatibus, pigmentis, & balsamo, & musco & thesauris multis in auro. Vestitum est corpus ejus vestimentis Imperialibus: pera peregrinalis aurea posita est, quam Romanam portare solitus erat. Sceptrum autem & scutum aureum, quod Leo Papa consecraverat, ante eum posita sunt dependentia, & clausum, & sigillatum est sepulcrum ejus. Sanctis post mortem annumeratus est, & in canonem relatus à Zacharia Papa præsentem Friderico I. Imperatore, Anno 1166. Indict. 14. testibus Wernero Rolevinkio de laud. Westphalor. lib. 2. cap. 10. p. 103. itemque Aventin. lib. iv. pag. 221.*

CAP.